

ILLVSTRI VIRTUTE ET SAPIEN-
TIA VIRO, D. SIGISMUNDO, LIBERO BARONI
in Herberstain, Neiperg, & Guttenhag, Regio Consiliario, &
summo in Austriae prouincijs Quaestori, Sigismun-
dus Torda Gelous Pannonius S. D.



*N*UPER ut Ausonia ueni tellure relicta,
Hospes ad Austriacas fatis ducentibus oras,
De te prolixè sum percontatus, an esses
Incolumis? quas res gereres? an in urbe maneres?

Sed tum tu Regi tuleras mandata Polono.

Quod cum forte mihi dixissent unus & alter,

Continuò mæstum concepi cor de dolorem,

Quòd tua pro uoto non est licitum ora uidere,

Nec tecum, ut uolui, coram data copia fandi.

Cur uerò expeterem congressus optime tantum

Sigismunde tuos, planè fuit unica causa:

Ut mihi noticia tecum essent iura perennis.

Rursus ut hoc cuperem, magni uis suasit amoris,

Quo me deuinctum fateor tibi tempus in omne.

Nec nouus hic animo sensus mihi sedit in imo,

Peruetus, & multis est confirmatus ab annis.

Iam tum mirari te cæpi, & ducere magni,

Fama meas de te cum primum uenit ad aures:

Non hæc obscuris uulgi sermonibus orta,

Verùm à laudatis illustri prodita uoce.

Es uerò multos inter dignissimus unus,

A me prorsus & ingenue qui semper amere,

Atque fide semper summa, officioq; colare:

Vel quòd te natura parens formarit ad unguem,

Vel quòd tanta tua uigeat sapientia mente,

Vel quòd dicendi nulli sis arte secundus,

Vel quòd Cecropia clarus celebrere mathefi.

Virtutem grauitas uita, constantia rara,

Integritas, mores placidi, moderatio, candor,

Et mansuetudo testatur, sobrietasq;.

Quid dicam stirpè generis notā, atq; uetustam,

Maioresq; tuos: quorum uirtusq; fidesq;

Egregia est semper belli spectata, domiq;?

Quid reliqua ornamenta domus te uindice parta;

Perpetuò à tota qua posteritate ferentur?

Iam quid iusticiam memorè? quid fortia facta?

Quid bene de multis studium, curamq; merendi?

Non leuis ambitio caco te corripit astu,

Non

Non eris male sollicita furiosa cupido.
 Ut taceam, quod te longa experientia fecit
 Consultum, prauo ut rectum dignoscere possis;
 Utile damno, pulchro secernere turpe.
 Quis nescit, culta quae sit facundia linguae,
 Mandata in causa simul expectata resoluis
 Ora, uirum dictis animos & pectora mulcens?
 Hinc te in consilium legit, sanctumq; Senatum;
 Adiunctumq; sibi uoluit Rex inclytus esse,
 Imperij quoties ingentia pondera poscunt.
 Ad populos Oratorem, summosq; Monarchas
 Unum te mittit toties, praeq; omnibus unum:
 Unde tibi celebri quaesita est gloria laude,
 Euasura rogam supremum, atque inuida fata:
 Qua tellus habitata patet sub Cesare magno;
 Illa tu pridem tota es bene cognitus ora.
 Tu Byzantini subiisti castra tyranni;
 Ancipiti in rerum statu, tibi seuis atrocem
 Sponte serenauit media inter classica uultum.
 Te norunt, & amant, septem quicumque trionis
 Gentibus imperitant Reges: tua nomina seruat
 Terra Borysthenidum, rebus cumulata secundis;
 Dum pacem paci socias, & foedera pangis.
 Iam disciplinas te perdidicisse operosas,
 Quae spacia, & moles, numerosq; & sidera monstrant;
 Quae que docent rerum solerti indagine causas,
 Cur ita quidque sit affectum, cur nil sibi constet
 Quin fluat, & pronas semper mutetur in horas;
 Edita de Moschis à te monumenta loquuntur:
 In quibus & mores hominum, legesq; notasti:
 Ocia quo studio ducant, pacemq; togatam,
 Quam ualidi, celeresq; ruant in Martia bella.
 Quae cultura uirus superam, quae cura sacrorum,
 Quantas possideant fortunas, quo sibi quaestu
 Rem faciant, cum qua iungant commercia gente,
 Quo sint consueti uitam producere uictu,
 Quam late Scythia Moschus dominetur in ampla:
 Inq; breui descripsisti, nitidaq; tabella,
 Dimensus regnum pollens armisq;, uirisq;
 Mollibus & radij signasti flexibus oras:
 Quam uolucram Boream, quam solem spectet Eoum,
 Quae latera obtendat Zephyris, Austroq; furenti,
 Quoq; gradu Arctoum se denique tollat ad axem.

Præterea ne quid lector desideret, aptè
Perpetuam regum seriem usque ad tempora nostra
Digeris, & prima repetens ab origine ducis.

His ego uirtutisq; tuae, laudumq; tuarum
Illecebris captus, te, dum mea uita manebit,
Qua mihi cumque licet, statui ratione colendum.

Postulat hoc etiam cultor tuus, & meus idem,
Addubito socerum dicam' ne, patrem' ne, profecto
Osseruandus pro meritis pater, & pietate
Uuernherus: qui non studio commotus inani,
Sed uotum sensumq; tuum, & tua iussa secutus,
Comprendit docti grata breuitate libelli,
Pannonij nostris quicquid miramur in undis.

Hic igitur cum te summo ueneretur honore,
Atque sibi ducat te nil antiquius uno,
Tanto te faciam maioris & ipse necesse est:
Fæderis inter nos iuncti hoc quia uincla requirunt,

Tu si suscipies me, & complectere uicissim,
Te penes arbitrium cogendi erit, atque iubendi,
Quæq; uelis de me statuendi summa potestas.

SIGIS-